



GARIS PANDUAN PERMOHONAN SKIM DANA PENERBITAN ARTIKEL 3.0 (SDPA 3.0)

1.0 TUJUAN

Garis panduan ini bertujuan untuk memberikan panduan jelas kepada kakitangan akademik UMS dalam memohon Skim Dana Penerbitan Artikel 3.0 (SDPA 3.0) bagi menampung yuran penerbitan artikel (*Article Processing Charge, APC*) **Review Paper** yang diterbitkan dalam jurnal berindeks **Scopus**.

2.0 SKOP

- 2.1 Garis panduan ini terpakai kepada semua kakitangan akademik UMS yang ingin mendapatkan pembiayaan bagi yuran penerbitan artikel (APC) **Review Paper** dalam jurnal berindeks Scopus.
- 2.2 Setiap **Review Paper** mesti merangkumi dalam salah satu daripada **10 bidang** seperti berikut:
 - a) Pertanian dan Perhutanan (*Agriculture and Forestry*)
 - b) Petroleum (*Petroleum*)
 - c) Perubatan (*Medicine*)
 - d) Kimia (*Chemistry*)
 - e) Bahasa Inggeris dan Kesusasteraan (*English Language and Literature*)
 - f) Pengajian Perniagaan dan Pengurusan (*Business and Management Studies*)
 - g) Ekonomi dan Ekonometri (*Economics and Econometrics*)
 - h) Sains Biologi (*Biological Science*)
 - i) Sains Komputer dan Sistem Maklumat (*Computer Science and Information System*)
 - j) Sains Alam Sekitar (*Environmental Science*)

3.0 SYARAT-SYARAT PERMOHONAN

- 3.1 Skim dana ini terbuka kepada semua kakitangan akademik UMS bertaraf tetap dan kontrak yang berstatus aktif sahaja.
- 3.2 Afiliasi pemohon wajib menggunakan alamat Universiti Malaysia Sabah (UMS).
- 3.3 Pemohon mestilah merupakan pengarang penghubung (*Corresponding author*) atau Penulis utama (*First Author*) bagi penerbitan tersebut. Permohonan daripada salah satu pemohon sama ada pengarang penghubung atau penulis utama yang mempunyai tajuk yang sama sahaja yang akan diambil kira.

- 3.4 **Review Paper** yang diterbitkan telah diterima untuk penerbitan oleh jurnal atau penerbit pada tahun semasa.
- 3.5 **Review Paper** mestilah terindeks dalam pangkalan data Scopus.
- 3.6 Dana yang diluluskan hanya digunakan untuk membayar yuran penerbitan artikel sahaja. Kos seperti percetakan semula, yuran penyuntingan atau yuran terjemahan tidak akan dipertimbangkan.
- 3.7 Jumlah penerbitan dalam setiap permohonan adalah tidak melebihi jumlah siling peruntukan yang ditetapkan dan tertakluk kepada baki semasa.
- 3.8 Penerbitan yang dibiayai mestilah bukan daripada penerbit-penerbit yang dilarang oleh Kementerian Pengajian Tinggi seperti MDPI, HINDAWI dan FRONTIERS; dan juga penerbit atau jurnal pemangsa.

4.0 SILING PERUNTUKAN

- 4.1 Siling peruntukan adalah sebanyak **RM1,000.00** sahaja bagi setiap artikel **Review Paper berindeks Scopus**.
- 4.2 Sekiranya jumlah bayaran yuran penerbitan artikel melebihi siling peruntukan, bayaran lebihan adalah ditanggung oleh pemohon.
- 4.3 Pembayaran yang telah dibuat dengan menggunakan geran atau mana-mana sumber bantuan lain tidak akan dilayan.
- 4.4 Kelulusan adalah tertakluk kepada terma dan syarat dan jumlah peruntukan yang diluluskan oleh pihak universiti.

5.0 TATACARA PERMOHONAN

- 5.1 Pemohon perlu mengemukakan permohonan melalui Borang Permohonan Dana Penerbitan Artikel 3.0 (SDPA 3.0).
- 5.2 Borang permohonan yang telah lengkap diisi hendaklah dilampirkan bersama dengan dokumen sokongan seperti berikut:
 - a) Bukti penerimaan artikel oleh jurnal (*Acceptance Letter*).
 - b) Salinan penuh artikel yang telah diterima untuk penerbitan.
 - c) Resit bayaran yuran penerbitan yang akan diterbitkan pada tahun semasa dari penerbit atau jurnal.
 - d) Bukti jurnal berindeks Scopus.
- 5.3 Hanya penerbitan yang didaftarkan menggunakan e-mel rasmi UMS sahaja yang akan dipertimbangkan.

- 5.4 Permohonan perlu dikemukakan sebelum atau pada tarikh tamat permohonan sebagaimana yang ditetapkan oleh Penerbit UMS. Permohonan yang lewat tidak akan dipertimbangkan.

6.0 PEMANTAUAN DAN LAPORAN

- 6.1 Pemohon hendaklah melampirkan dan mengemukakan bukti penerbitan kepada pihak Penerbit UMS sebagai rekod selewat-lewatnya satu bulan selepas pembiayaan dilaksanakan atau selepas manuskrip diterbitkan secara salinan keras.
- 6.2 Sekiranya artikel ditarik balik (*retracted*) atau tidak diterbitkan atau tidak berindeks Scopus, pemohon bertanggungjawab untuk memulangkan dana yang diterima.

7.0 CARTA ALIR PROSES PERMOHONAN SKIM DANA PENERBITAN ARTIKEL (SDPA)

Sila lihat Lampiran 1.

Lampiran 1: Carta Alir Proses Permohonan Skim Dana Penerbitan Artikel 3.0 (SDPA 3.0)

